

# e-BULLETIN — JSKM —



JSKM 2024



“ Jiwa yang merdeka bukanlah bebas tanpa batasan, tetapi tunduk patuh kepada Sang Pencipta. ”



**MALAYSIA  
MADANI**  
*Jiwa Merdeka*



# Isi Kandungan

## **i. Kata Alu-aluan**

**01 Jiwa Merdeka**

**02 Sedekad Tema Hari Kebangsaan Malaysia**

**06 Kenali Tugu Negara Malaysia**

**08 Srikandi Kemerdekaan**

**11 Jejak Sejarah: Institusi Pendidikan Era British di Pulau Pinang**

**15 Apakah Pokok Kebangsaan Kita?**

**18 Negaraku Malaysia**

**19 Tanah Airku Malaysia**

**20 Harmony of Freedom**

**21 Erti Kemerdekaan**

**22 Pantun Nazam Anak Merdeka**

# Sidang Redaksi

## **Penasihat**

**Dr. Nor Hanim Abd Rahman**

## **Ketua Editor**

**Dr. Siti Nurleena Abu Mansor**

## **Editor**

**Ts. Jamal Othman**

**Pn. Siti Mariam Saad**

**En. Ahmad Rashidi Azudin**

# KENALI TUGU NEGARA MALAYSIA



Dibina pada  
tahun 1966

Muniroh Hamat

Sebagai penghormatan kepada lebih 11000  
perajurit yang gugur dalam Perang Dunia  
Pertama (1914-1918), Perang Dunia Kedua (1939-  
1945) dan semasa Darurat (1948-1960)

Sebagai penghormatan kepada lebih 11000 perajurit yang gugur dalam Perang Dunia Pertama (1914-1918), Perang Dunia Kedua (1939-1945) dan semasa Darurat (1948-1960), telah dibina sebuah Tugu Peringatan Negara atau dikenali juga sebagai Tugu Negara pada 8 Februari 1966. Terletak di ibu negara Kuala Lumpur berhampiran dengan bangunan Parlimen dan bersebelahan Taman Tasik Perdana.

Dibina pada tahun 1966, tugu tersebut berdiri setinggi 15 meter, diperbuat daripada gangsa dan direka oleh pengukir Austria, Felix de Weldon yang bertanggungjawab bagi Tugu Peringatan Perang USMC (USMC War Memorial) di Virginia, Amerika Syarikat. Tugu ini juga adalah arca berkumpulan yang tertinggi di dunia. Idea pembinaan tugu ini dizahirkan oleh Tunku Abdul Rahman Putra Al-Haj pada tahun 1960 setelah beliau melawat Tugu Perang Iwojima di Amerika Syarikat. Ianya terdiri dari satu kumpulan tujuh patung atau lembaga gangsa. Setiap satunya empat kali lebih besar dari saiz orang biasa. Perbelanjaan membinanya menelan belanja RM1.3 juta.

Patung-patung gangsa ini mewakili pelbagai cawangan pasukan keselamatan dan kesemuanya memakai pakaian seragam semasa dalam perang. Lembaga yang atas sekali tidak membawa senjata tetapi memegang sebatang tiang yang diujungnya berkibar bendera Malaysia. Setiap patung gangsa tersebut juga melambangkan pimpinan, getir, persatuan, siap sedia, kekuatan, keberanian dan pengorbanan.

Bagi menambah keindahannya, dibina kolam separuh bulatan di sebelah kanan dan kiri tugu. Di dalam kolam itu, diletakkan bunga teratai yang diperbuat dari timah hitam dan putih dari Selangor dengan pancutan air yang sering bertukar warna. Tugu ini rosak sebahagiannya akibat diletup oleh penganas komunis pada tahun 26 Ogos 1975.